

աւրինակ բարեաց ձեզ ամենեցուն. ինքն արասցէ և ապա զձեզ ուսուցէ սրբութեամբ, արդարութեամբ, խոնարհութեամբ, երկիւղիվ, սիրով առ Աստուած և առ ընկերս. եղբայրսիրութեամբ, աղքատսիրութեամբ, ողորմածութեամբ և աղաւթիք, լինել այցելու որոց և այրեաց՝ և ամենայն կարատեղոյ կարեկից սիրովն Քրիստոսի: Կոչեսցէ վարժանավորսն և զվկեաւսն ի կարգ և յաստիճան կէս սարկավագութեան, սարկավագութեան և քահանայութեան: Կալցի և հրամանավս մեր ի վերա ձեր իշխանութիւն առաքելական, կապել և արձակել յերկինս և յերկրի: Զմեղոյցեալսն և զապրսոսմբեալսն յաւրինացն Աստուծոյ և ի կանոնաց սրբոց հարցն՝ կշտամբել և յանդիմանել, և ըզզղջացեալսն ընդունել ապաշխարութեամբ: Որով և դուք ամենեքեան առ ի դմանէ հովեալք և արածեալք ի վայրս դալարոյ առաքինութեան, և ի ջուր հանգստեան պատուիրանացն Աստուծոյ, զաստուածապատիւ և զառաքելացնորհ արքեպիսկոպոսդ ձեր զՏէր Յոհանէսդ՝ մեծով պատվով և յոյժ սիրով ընկալարուք, որպէս զհրեշտակ Աստուծոյ՝ և որպէս զառաքելական այր. և ամենայն հոգեւորական խրատոյ դորա՝ որ ի շահ և յաւզուտ է ոգոց ձերոց՝ հնազանդութեամբ ունկնդիր լերուք: Այլ և զամենայն կանոնեալ հաս և զիրաւունք զոր պարտիք տալ Աստուծոյ՝ բաժին աթոռ, զհաս տանց քահանայից և զամենայն ընտանեաց նոցա, զերախայրիս կալոց և զհնձանաց, զտէրունականս և զսրբանվէրս, զիրաւունս մատաղաց կենդանաց և զյանկարծամահից, և զամենայն իրաւունս կենաց և մահու, լիով անթերի տուք ի ձեռս դորա գուարթ և առատ սրտիվ, որպէս զուարթառատ սիրէ Աստուած: Իւմի՛ դք իշխեսցէ հակառակիլ սըմա, կամ հրամանիս մեր՝ և արգելցէ յիրաւանց տալո կամ խորեսցէ կամ յայլազգիք անկանի և ուժ հասուցանէ Տէր Յոհանէսիդ: Իսկ որ դք հակառակ լիցի մեր հրամանիս, կամ սիրեցեալ որդոյս մեր Տէր Յոհանէսիդ, նայ այնպիսի հակառակողն առցէ յԱստուծոյ զանէծան Կայէնի, զմասն Յուդայի, և զխաչահանուացն, նայ եւ զպատիժսն Կորնիս և զԴադանայ: Որով աւրհնեալքն ի Տէր Յոհանէս ի պատվելի արքեպիսկոպոսէդ ձերմէ, աւրհնեալ եղիցին յԱստուծոյ և ի մէնջ. կապեալքն և որոշեալքն՝ ի նմին մնացեան մինչև զղջացին, և առցեն զարձակումն ի Տէր Յոհանէսէդ, կամավ և ոչ ի հարկէ կամ բռնութեամբ,

Վասն որո՞ ի մտանել դորա և գրաւորական աւրհնութեան հրաւանիս մերո առ ձեզ և սոչրք մեռունիս՝ ի ձեռն Դերսես ալաք սարկավագիդ և նվիրակիդ մերոյ, իջցէ և շնորհք ողորմութեանն Աստուծոյ յերկնից ի վերա ձեր եաւթընպատիկ, և լցուցէ զձեզ ամենայն հոգեւոր և մարմնավոր բարութեամբ. Բարձցէ ի ձէնջ զամենայն ցասումն, զպատուհաս և զտարաժամ մահ. Տացէ ձեզ շինութիւն, անդորրութիւն և խաղաղութիւն. Բուսոց և տնկոց և ամենայն անդէոց ձեր՝ այճողութիւն և քաղցր պտղաբերութիւն. պաճարեղէն անասնոց ձեր անաղալ ծնընդականութիւն. և ամենայն բարեաց ձեր՝ լիութիւն և առատութիւն: Արասցէ և զբանաւոր երկիրդ ձեր՝ գործնականս և արդիւնականս. գործել զարդարութիւն և զամենայն զովելի տեսակս առա-